





Josephit, und andere Carmina Vol. II.

A. N. 75. Quart.

4.  
Ca  
8.9  
9.8  
10.6  
Ca  
14.  
15.  
16.  
Ca  
20.  
21.  
2.





25.  
22

PIA ET ORTHODOXA  
MEDITATIO  
de PASSIONE  
SALVATORIS  
NOSTRI JESU  
CHRISTI

*Viris Clarissimis, Doctiss. & Excellentiss.*

DN. THEOPHILO HOMODEO,

DN. JOHANNI GLASERO,

Phil. & Med. D. D.

Juxtim &

*Nobilissimis, Ampliss. & Spectatiss.*

DN. GREGORIO Daclaw

DN. LUDOWICO Czierenberg

DN. MICHAELI Rämmerling

illis Civibus & Mercatoribus Dantiscanæ

Reipub. florentiss:

Huic patritio Dant. incluto

Dnnum. Prolis Musæa fautoribus & promotoribus optimis æternum  
honorandis,

*Conscripita & oblata à*

MICHAELE GELINGIO Leopolit.

26

ANNO 1624.







Tempus tot spargat de Christi morte loquelas.  
 Circiter hoc etenim tempus moderator olympi  
 Unde fluit rerum cunctis farraga bonarum.  
 Ampla sinu qui quid complectitur orbita mundi.  
 Æthereâ & quæcuncq; vides regione moveri  
 Vectibus absque ullis; sine materie, omnia solo  
 Condidit, hem verbo: nitidi soror æmula Phæbi  
 Heliadam & genitor, sic astra micantia cælo  
 Tum demum formam meruere elementaque primum.  
 Esse suumq; pecus quodvis sibi jungere cœpit.  
 Turpiter hoc ipso spacio contemnere Jovam,  
 Maluit & Sathanæ socium se jungere Adamus.  
 Tum vetus à magno genus Israëlè profectum.  
 Rubra mari siquid per flumina duxit & hostem.  
 Præcipitem in tanto fluctu dedit omnipotens Rex.  
 Insuper & Silo, quem nulla potentia sternit.  
 Tempestate sub hac miserè crucifigitur: obit.  
 O immensa igitur pieras benefactaque Christi  
 Semper cum summo cuivis miranda stupore.  
 Quis, nisi Thebano crassoque sub aère natus  
 Arcadico & pecori similis betamque imitatus  
 Hunc summum summi non grato pectore amorem.  
 Noscat, & in meritas excurrat carmine laudes.  
 O me felici speculatus ab arbore Phæbus  
 Pieriâ vates cinxisset tempora læuro  
 Quam vellem (proh velle meum sit posse) modo mi  
 Si major juvenens impleret Spiritus annos  
 Ut satis ad tantæ par sim præconia laudis  
 Grandi operi magno jam nunc accingerer ausu  
 Sed non sum Clariâ, fateor nutritus in umbrâ,  
 Nec me Pierides doctæ fecere Poetam.  
 Audebo tamen, & versu tibi promere laudes  
 Inculto, Jesu, satagam: quod amore stupendo  
 Humani generis spontè miseratus, acerba  
 Verbera, flagra, crucem, mortemq; subire nefandam,  
 Nil quicquam horrueris patienter quæque ferendo.

At



At vos Parrhasio quæ degitis axe sorores  
Longa quibus series ævi, quibus alta vetustas  
Fidaque perpetuæ custodia credita famæ.  
Dum tristem Christi cædem cano : numine vestro  
Adspirate mihi ; tuque ò Jovis inclita proles  
Huc ades : atque meum pectus vocemque gubernæ.  
Salomon ille animi quo non sapientior alter  
Rex, cui posteritas similem & non fera videbit  
Inter præclarè scriptis documenta libellis,  
Quæis vitijs fractos pulchrè instituisse paravit,  
Hoc habet : ingenio viridis qui filius, omnes

*Prov:* Sustinet ille minas Patris, improbitate parata &

13. Fulmina pænarum : nec quid tentat iniqui

Ast scurræ scelerum majori fasce gravatique

Oris qui nimium duri mentisque protervæ

Quamvis se norint gyaris & carcere dignos.

Non tamen hortatus curare minasque putantur.

O quam multa tuis produci congrua verbis

*Matth:* (Et nimium) possent ò Rex Exempla : sed unum

26. Judæ, qui (mulier dum Christum perlinet, audax

*Marc:* Contemnit factum, potius divendere myrthum

14. Atque dari precium juberet artæ fortis alumnis.)

A Christo curvos deprensus sumere mores

Ducitur invitium, rigide & paullo magis audit.

Impatiens igitur, ceu scurra docerier, iras

Concipit ingenteis furijs accensus, & omnes,

Vindictæ spectans facies, in fata magistri

A quo ipsi data sunt meritorum pignora multa ;

Ultrices poscit manus ; at tegit improbus istas

Irarum tacito paulum sub pectore flammæ.

*1. Pet: 2.* Hæc ubi Rex Erebi, qui semper oberrat hiantem

Rictu, conquirens faciat sibi quem ferus escam

Nervos intendit studio (ingeniosus ad omnes

Namque est exitij facies) conserve ut istam

In Juda rabiem, stimulum & magis addit, avarum

Dum reddit nimium nummorum auri que petacem.

Mox



Mox ubi sic laqueis vinctum captumque teneret  
 Efficit, ut porro crescat tam insana voluptas  
 In misero, nummos ut nocte dieque studendo  
 Acquirere, ex hæres fieret (res dira) salutis  
 Primores etenim populi, templique ministri,  
 Doctores gentis: sanctæ legisque magistri  
 Vipereumque genus Pharisaica turba, perosum  
 Christum habuere Deum pro certo qui fuit ille  
 Promissus fetus muliebri ventre futurus.  
 Nullaque cum fuerint reprobi vestigia facti  
 Materiem ut possint Christi præbere necandi  
 Proteus ille orci rabidus, cui plurima cædes  
 Iræque insidiæque & parva calumnia cordi est;  
 Impellit Judam Dominum ut divenderet ære.  
 Noverat hoc Christus (quid non cognosceret, oro,  
 Scrutator cordis quævis penetralia cernens)  
 Eventus igitur præsignificare futuros  
 Discipulis mortemque suam studet officiisque  
 Mulcere: En Extremæ peragunt dum fercula cænæ  
 (Mira cano) Christus labris splendentibus amnem  
 Ingerit & positis bisseis ordinis alumnis  
 Sordida permulcet puris vestigia lymphis  
 Inde animos tristes monitis documenta ministrans  
 Imbuit & similem prædicit cuique ruinam  
 Non tamen exanimis mæstosque timore relinquit;  
 Quin mage turbata reddit solatia menti.  
 Hæc ubi facta forent; alto indulgere dolori  
 Salvator visus, Judæ miseratus atroci  
 Immerso facto; nec enim (dictante propheta)  
 Exitium quærit miseris mortalibus, et si  
 (Sæpius offendant peccati crimina Jovam)  
 D'hinc ut ad auroram soboles Hyperionis auro  
 Purpurat & longe radiantia tela diei  
 Projiciens humiles convestit gramine terras;  
 Ille Deo fatus, ille orbis fator, ille catervæ  
 Angelicæ Deus ipse, tribus mærore sub alto

Discipulis



Discipulis sumtis horti in loca sœta precandum,  
 Exit & ante suum soboles profusa parentem,  
 Grandes purpureo sudavit sanguine guttas.  
 Tempus erat Judas, quo proditor impius, hostes  
 Stans inter medios capiendi signa ministra,  
 Nec mora conducti quævis facienda parati  
 Tecta domus rabidi linquentes corripere arma,  
 Hastas atque Enses redeunt ac si hostis adesset.  
 Corripit & Judas sese, mox notes viarum,  
 Tramittens socios præcedit navus, at illi  
 Terga tenent presso que legunt vestigia gressu,  
 Jamque hortum collesque vident & amana vireti  
 Culmina, quò Judas Dominum exivisse sciebat.  
 Accedunt, Martemque ferum Clypeosque facesque  
 Quisque tenens, Jesum se quærere turba fatetur,  
 Armorum aut Princeps superari nescius armis  
 Qui non ignorat quæ quis gerat, ad stat & omneis  
 De super omni tuente oculo speculatus in actus  
 Spontè sua intrepidè, nil curans arma regessit,  
 Ille ego quem studio vos quærere dicitis ad sum,  
 Ipse vocor Jesus: neque me sententia vertit:  
 Dixerat: ast illi sævo ceu fulminis ictu  
 Protinus in terram sternuntur ( tanta DEI vis!)  
 Instat at hic quærens, quem quærant: oscula figit,  
 Proditor ergo illi, comites sic noscere signum  
 Incipiunt animasque truces corpusque gerentes  
 Corpus inerme DEI contorto fune ligabant,  
 Ducitur interea magnâ comitante catervâ,  
 Ad summos populi ceu scurra & pessimus unquam  
 Nec dignus quem terra gerat cui lucèat æther,  
 Illic turba ferox colaphos infringere pugno  
 Ausa est insonti diraque tonitrua linguæ  
 Blasphemo jaculata tubo collidere famam  
 Diviniq; satus majestatisque Paternæ  
 Hic Pilata cohors Romani præsidis, atrox,  
 Objecit scuticis sannisque Herodia vulpes.

Nec



Nec satis & mortem tandem damnatus ad ipsam  
 Heu medios inter scelerum quasi pompa latrones  
 Dispessis manuum palmis erurumque plicatu  
 Dirâ execrati suffixus ab arbore ligni est.  
 Ast locus hunc tristem quo perfert Christus, agonem  
 Golgatha supplicijs sedes addicta malorum.  
 Dicitur: & campi qui sparsis ossibus alben  
 Qualla in effossis conspexerat ossa sepulchris  
 Ezechiel animata iterum cum sanguine vivo.  
 D'hinc latus immitis trajecit satrapa ferroque  
 E latere alternis promanat flexibus humor  
 Sanguinis & præ dulcis aquæ; at media agmina fontum  
 Supplicio æquali pænas ob furta luebant.  
 Horum alter reprobus diræ tonitrua lingua  
 Blasphemo jaculando tubæ: petit auxilietur  
 Christus, cum Jovæ compar Deus ipse vocetur.  
 Alter, divinæ cernens vestigia mentis  
 Arguit erroris socium submissaq; fundit  
 Murmura corde pio, dominum & sibi vincit amore.  
 Hæc ubi gesta, videns Deus horam mortis adesse  
 Ore sitim fesso summam depellere curat.  
 Ast fel indultum est & fex morientis aceti  
 Morte sitibundo: cogatur vi ipse Parentem  
 Incusare, sui quod se gerat immemorem; inde  
 Morte caput flectens lutei mortale relinquit  
 Corporis induvium: pia fata secutus amore.  
 Ast princeps regimen naturæ lampas olympo  
 Afriferis comitata choris deslevit ademtum  
 Implicuitque solêm tenebris, hominesque coëgit  
 Desperare diem cali & sperare ruinam.  
 Talia tantaque passus & his graviora, nec ulli  
 Sat memorata prius, nec post memoranda sat ulli.  
 O igitur tanto pro munere pendere munus  
 Quis posset dignum Christo, cum munere quovis  
 Sit majus: nostrum nec res imitanda cuiquam?  
 O quanta hæc bonitas se mittere noctis in umbras

Cum



Cum præses cæli fuerit, summiq; propago  
 Jhovæ, mille ejus cingebant terga ministri,  
 In terris nemo est qui serviat (immo reclinet  
 Quo caput ò summo quam res deslenda dolore  
 Non habet atque levilevior sic ducitur orno)  
 Quid quod cum immenso nostri flagraret amore,  
 Nil colaphos, nil vincla, crucem nil probra moratur,  
 Nilquæ tuas curat mors ò tristiſſima cædes.  
 Quis non miretur? quid non stupor occupet artus  
 Codicis è sacri libris hæc tanta legenti?  
 Tunc precor Jesu, tantos perferre dolores  
 Tantaque probra vales, quanta unquam nemo ves ausus  
 Nec potuit, meriti tantane est copia nostri.  
 Fallor & incantus nostrum genus offero laude  
 Nil nisi quod curvum quod inutile turpeque dictu  
 Sectari doctum? meriti hæc quæ gloria nostri?  
 Scilicet ipse agnus Paschæ, non umbra figuræ.  
 Toſtus amore hominum cruciantis in arbore ligni  
 Ultro non marito, quoquam cogente nec ullo  
 Se patris ultrici pro nobis devovet iræ  
 Peccatum jugulat mortis Chirographum aufert,  
 Destruit infernum mortem omni robore privat  
 Ut mors jam non mors sed mortis larva vocatur.  
 Ergo tibi summas pro tanto munere grates  
 Dicimus ò Jesu submissâ voce rogantes  
 Respice nos, fragiles cum deseret halitus artus  
 Summa dies terris cum fulserit illa, minacem  
 Et tuba per densas sonitum dabit horrida nubes  
 Interea tibi mane novo tibi vespere sero  
 Noctecanam mediâ carmen gratesque perennes.













25.  
22

PIA ET ORTHODOXA  
MEDITATIO  
de PASSIONE  
SALVATORIS  
NOSTRI JESU  
CHRISTI

*Viris Clarissimis, Doctis: & Excellentiss:*

DN. THEOPHILO HOMODEO,

DN. JOHANNI GLASERO,

Phil. & Med. D. D.

